

20. 381.

Q. D. B. V.
DISSERTATIO IN AVGVRALIS MEDICA
DE
FONTICVLORVM
VSV MEDICO
QVAM
PRÆSIDE
DN. FRIDERICO HOFFMANNO

FACULTATIS MEDICÆ SENIORE ET h. t. DECANO

*Ad d. Augus*t*hi A. M DCC XXVII.*

PRO LICENTIA

SVMMOS ET DOCTORALES IN ARTE MEDICA HO-
NORES IMPETRANDI

H. L. Q. C.

publicæ disquisitioni exponet

CAROLVS BENIAMIN COCHLOVIUS.

BICINENSIS SILESIUS.

HALAE MAGDEBURGICAE,
Typis, IO. CHRISTIANI HILLIGERI, Acad. Typogr.



322

STATS-MARQUES MEDICA
12

EGNATIUS DE ORANI
SAV-MEDICO
674M
PRÆSIDE

D. FRANCESCO HONORATO
LICETATIS-PREBIEZ-ZENOBIA ET C. DECAY
XV. V. M. X. M. XXVII

Ergo TIGEAT
S. MARZ ET PECULIARITATIS ET MEDICA NO
NORE IMPRESA

CARTAS BEATA COCHOLAE
HISTORIAS-SCENAS

Liber IO. CHILDEPHILIPPEL. AGAP. T. 10.



DISSERTATIO INAVGVRALIS.

DE

FONTICVLORVM VSV MEDICO.

PROOEMIVM.



Ta quidem artificiosissima
machinæ microcosmicæ compara-
ta est fabrica, ut in ipsa innume-
ra diversissimæque figuræ & stru-
cturæ fabrefacta sint organa, quæ
ad tuendam cum sanitate vitam,
arcendos etiam & percurandos
graves morbos, utilium succorum secretioni & præ-
parationi, inutilium vero, superflorum & recremen-
titiorum excretioni, egregie serviunt. Nihilo tamen
secius sèpissime contingit, ut natura novos alios mo-
liatur ductus novaque efformet emissaria, per quæ de-
pravati, insolentis & plane peregrinæ indolis succi,

A 2

qui

qui maxime ipsis in morbis, præsertim chronicis, deno prognati, summa cum utilitate e corpore proficiuntur. Abunde hoc testatum faciunt obvia subinde in externis corporis partibus ulcerationes & fæti per eas impuri & mortifici humoris fluxus, quibus succendentibus corpus sanum est & integrum, resiccatis autem & cohibitis, illoco graves & ancipites patitur morbosas passiones. Scilicet, quem latet, quam egregie in puerorum infantumque salutem illa materiae serosæ & purulentæ per sic dictam tineam, achores & favos evacuatio cedat, ita prorsus, ut ad arcendos æque ac persanandos atroces affectus, cephalalgiam, epilepsiam, lippitudinem, ophthalmiam, catarrhum suffocativum & asthma maximo sit præsidio, imprudenter autem suppressa, omnia hæc inventat iterumque reducat. Per plicam, quam vocant Polonicam, qua, per cutis & radicum capillorum nimis laxatos meatus, copiosi viscidæ & impuri succi eliminantur, intolerabilem cephalalgiam, maniam, melancholiæ, epilepsiam aliosque truculentos capitum affectus abactos, & vicissim abscissa illa, iterum suscitatos esse, innumeris certum & confirmatum est exemplis. Nobis quoque plures cogniti sunt casus, quod ulceræ pedum, præsertim in scorbuticis & senilibus corporibus, aliquandiu manantia, asthma spasmodicum, motus convulsivos, dolores ischiadicos, arthriticos diu infestantes, feliciter discusserint, & quod eadem mala, consolidatis exulcerationibus, longe graviori quam antea insultu repetierint. Nuperius admodum D. PRÆSIDI notatu hanc in rem digna fuit obser-

Observatio in sene fere octogenario, qui quum diu iam graviter dolente laborasset dysuria, erysipelate affectus est in pede, quod reliquit ulcus quotidie insignem seri ichorosi copiam fundens, tam salubri successu, ut ex eo nunquam molestum amplius persen- ferit mictum. Ut mittam id, quod omnibus qui in artis exercitio versantur notissimum, apprime scilicet pro sanitate esse, quando ex succorum vitalium connubio ab internis nobilioribus partibus ad externum corporis corticem, materia corrupta, acri, deleteria amanda- tur, & scabies, purpura, gutta rosacea, phlyctenes, tubercula purulenta, quae vocant Schwären, aliaque exanthemata sponte efflorescunt, adeo, ut hoc pacto rebelles chronicæ passiones, febres intermitentes, præsertim quartanæ, affectus arthritici, epileptici & convulsivi, maximeque capitis & nervorum morbi ancipites, eximie & mitigentur, & penitus sanentur. Hanc itaque insignem extraordiniarum eiusmodi evacuationum salubritatem quum perspicerent Medicorum sagaciores, laudabili utique consilio, provi- dum hoc naturæ institutum & sequi & imitari animum induxerunt, ac per artificium in congruis locis exci- tarunt ulcera, quo per eorundem emissaria intus delite- scentem & ad excretionem per consueta emunctoria minus accommodum humorem sic longe feliori & faciliori successu foras evocarent. Hinc merito re- petenda fonticulorum origo, quorum quidem salu- berrimus effectus & præstans in Medicina usus ex al- latis iam abunde patet: ut vero eo luculentius in- notescat, quibus maxime in morbis, quibusque cum

A 3

cau-

cautionibus, hoc sanitatis utendum sit præsidio, pleniū paullo atque curatius de fonticulorām usu medico in præsentiarum differere consilium cepimus. Adsit summum Numen nostro conatui!

§. I.

Fonticuli nomine quid in Medicorum scholis insigniantur, omnibus notum, ulcus nimirum cuti variis modis artificiose induētum, quo per istud diutius aperatum noxious in sanitatis tutelam effluat humor. Hæc quidem fonticuli vox nullibi, quantum quidem novimus, in **HIPPOCRATIS**, **CELSI**, **GALENI** aliorumque ex veteribus monumentis reperiunda, modus tamen varii generis morbos per ulcerā artificialia & arcendi, & curandi, a primis inde Medicinæ incunabulis cognitus fuit. Perfecerunt id maxime Prisci cauterio actuali, ignito nempe ferro, quo modo levius, modo gravius aduferunt cutem & ulcus sic concitando humorem elicuerunt. Ipse iam antiquissimus artis nostræ parens **HIPPOCRATES** lib. de intern. affect. §. 19. si dolor ex coxæ acetabulo corripit & infra descendit indeque rursus ad caput fertur, id fortiter premit, ut æger caput sibi disstringi putet & oculi pituita repleantur, itemque totum corpus, adhibita incassum purgatione & lactis cura, suader, ut in acetabulum coxæ crustæ urantur tres, sub nates duæ, supra gena una, & supra malleolum una, quippe quæ nec morbum sursum, nec deorsum procedere permittant. **CELSVS** quoque lib. VII. cap 7. §. de pituita oculor. in diurnioribus oculorum vitiis cutis in capite incisiones, nec non venarum aduersiones commendat, cum cautela, ut antiqui cutis fines inter se committi impedianter. Quam frequenti porro in usu eiusmodi cauteria fuerint Methodicorum antiquissimis

simis THEMISONI, ARCHIGENI aliisque, passim confirmat COELIVS AVRELIANVS, id quod etiam de Arabibus dicendum, uti potissimum ex RHASIS lib. de affect. iunct. tit. 16. patet. Et hinc omnino factum est, ut plurimis ex Veteribus fonticuli audiant cauteria, quemadmodum constat ex SOLENANDRO, sec. II. cons. 13. item Io. de VIGO lib. IX. cap. 15. alii vero, ut AETIVS, RHASES, AVICENNA eosdem communi ulcerum nomine insigniant.

§. II.

Probe itaque Veteres utilitatem huius per ulcera artificialia medendi rationis perspexerunt, & post ipsos creber usus & multiplex idem uberioris confirmavit experientia. Fuerunt tamen, ex HELMONTII maxime & CARTESII scho-la prodeentes, qui invento sanguinis circulo, particularium eiusmodi per setacea & fonticulos evacuationum nullum amplius usum esse, asserere haud erubuerunt. At vero una, quod dicitur experientia, plus profecto valet, quam centum acutissimæ rationes, ideoque id primo omnium agemus, ut ex probatissimis priscis, æque ac recentioribus auctoribus observationes & exempla de praestabili fonticulorum virtute colligamus & quasi totidem argumenta in medium adducamus. Et in genere quidem quam spectata fonticulorum ad arcendos varii generis morbos sit facultas, testatur Sicularum in primis mos, qui teste AQVAPENDENTE oper. chirurg. Part. I. cap. 93. etiamsi sani sint, sibi tamen fieri fonticulum volunt, ut sani conserventur. Quin barbari Lybiae populi, memorante HERODOTO lib. IV. pusillis suis quarto ætatis anno venas cervicis, ad avertendos morborum ipsis solennium insultus usserunt; quibus addi merentur ea, quæ asp. BARTHOLINVS, exercit. III. ad h. I. differit. Idem quoque moris fuit apud Italos, qui teste RODERICO a CASTRO de morb. mulier. lib. II cap. 2. frequentius quam ulla alia gens fonticulis utuntur, ita, ut SCIPIO MERCVRIALIS im Heb.

¶

Ummen-Buch, cap. 26. fidem faciat, eosdem statim post baptismum infantum cervices ferro candente adurete felicium successu, & *AQVAPENDENS chirurg. op. cap VI pag 44.* prohibeat, Florentiae potissimum vel plane nulos, vel paucos tantum pusillos, hanc capitisexustionem evadere.

§. III.

Quod vero ad ipsam morborum curationem attinet, nullusplex & varius in hac fonticulorum est usus, & veritate utique nituntur in genere, quæ quidem *AQVAPENDENS operat. chirurg. P. I. cap. 1. pag. 12.* sigillatim de fontanellis in capite prodidit: eosdem nempe in primis conferre ad capitis morbos frigidos & humidos, ut puta, scotomiam, vertiginem, capitis dolores ac defluxum ad oculos, nares, aures, columellam, fauces, dolorem dentium, gingivarum, gutturas & ad defluxum ad stomachum, nec non ad eos revellendos conferre, qui ad thoracem descendunt & membra spiritalia offendunt, phthisin, asthma, empyema & omnem spirandi difficultatem, denique etiam artuum potissimum dolores iuvare. Iam si specialius paullo morborum censem inimus, eminent hos inter maxime qui caput obsident, in quibus fonticulos maximum & mirandum praestare auxilium *SCVLPTETYS armament. chirurg. tab. 43.* affirmare non dubitat. Et de doloribus quidem, qui caput saepe graviter infestant, luculenta passim prostant testimonia, quod fonticulis & setaceis adeosdem levandos nihil sit præstantius. Sic *GRAMMIVS in M. N. C. Dec. I. A. III. obs. 81.* meminit: fonticulum, in capite profundius inustum, virginem, quæ per multos annos cum atrocissimis doloribus capitis, noctu maxime, misere conflictata, ab iisdem penitus liberasse. *SOLINGEN operat. chirurg. P. I. cap. 1. pag. 3.* in cephalalgia inveterata mirifice commendat fonticulum in capite excitandum. Neque minus *WEPFERVS obs. 41.* suadet, ut ad cephalalgiam fonticulus in brachio conficiatur, quia sensim al-

a loco affecto derivet, simul evacuet & ab apoplexia præservet. Et idem auxilium ad hemicrañiam obf. 51. & 60. tollendam utile iudicat. De setaceorum autem saluberri-
mo effectu multa potissimum prodidit HILDANVS, qui Cent.
IV. obf. 6. exemplum habet de adeo rebelli cephalalgia, ut
nec internis, nec externis, nec ipsis narcoticis potuerit mi-
tigari, setaceo autem factio sensim conquievit. Et obf. 7.
casum exponit diuturni doloris, qui setaceo levatus statim,
& mutato setaceo in fonticulum, penitus abaëtus. Quibus
accedit memorabilis RVRSCHI observatio XL. de cephalæa
rebelli, quæ setaceo admoto cessavit, hoc consolidato, re-
cruduit, denuo excitato, rursus evanuit, iterum coeunte, ter-
tia adhuc vice repetiit.

§. IV.

In oculorum quoque affectibus spectatam esse fon-
ticulorum & setaceorum virtutem, plurimis exemplis Me-
dicorum observata confirmant. De fonticulis fidem faci-
unt AGA Hafn. Vol. III. obf. XII. pag. 23. seqq. quod puer o-
mnimoda oculorum imbecillitate laborans, ut lucem ægre
ferre posset, uno in brachio, altero in pede excitato, con-
valuerit. Alium, cui muscæ & culices ante oculos versari
visæ, fontanella in brachio visus claritatem, evanescenti-
bus muscis, recuperasse. Et Chiliarcham visus imbecillita-
& acri defluxione oculorum cum rubidine afflictum, u-
surpatis frustra omnibus ophthalmicis, a fontanella tam sin-
gularem percepisse fructum, ut ea quæ antea vix perspicil-
lorum ope viderat, postea acute sine his cernere potuerit.
Neque minus WEPFERVS obf. 180. se guttam serenam su-
bito invadentem, vesicatoriis, setaceo, hisque denum co-
cuntibus fonticulo in brachio sinistro percurasse, tradit.
In primis tamen præsentanea in visus vitiis pollent facul-
tate setacea. WEPFERVS hinc non solum in immi-
nente gutta serena obf. 60. 80. 182. setaceum commendat,

B

sed

sed etiam testatur, se quater eundem morbum hoc auxilio sanatum vidisse. Pariter HILBANVS *Cent. I, obs. 41.* duplex consignavit exemplum ophthalmia post variolas setaceo discussæ; ubi etiam notatu dignam consignavit observationem de puella, quæ præ defluxione & inflammatione oculorum visum plane amiserat, setacei autem beneficio, videnti facultatem in eo oculo, ubi tunicae nondum exesæ & corruptæ erant, recepit. Idem remedium *epist. 67.* in suffusione incipiente suadet, & *epist. 59.* prohibet: se cuidam, qui visum pâne perdiderat, eadem ratione, ita opem tulisse, ut elapsis iam decem annis, sexagenario maior, optime sine perspicillis videat. Quin ipsam fistulam lacrimalem traiecit in cervice setone, bis se consolidasse idem gravis auctor *Cent. IV, obs. 19.* memorat. Ut mittamus quæ SYLVATICVS in consiliis de amplissimo huius remedii in affectibus oculorum usu passim annotavit.

§. V.

Atrox ille epilepticus morbus, qui pariter in cerebri membranis sedem obtinet & exinde universum corpus gravissime quatit & concutit, hac noxiæ materiæ per ulcera artificialia subtractione, tam egregie, quam vix ullo alio auxilio & mitigatur & expugnatur. Iam dudum enim HIPPOCRATES *lib. de morbo sacro,* ulcera capitis pueros a morbo eaduco præservare prodidit, & TULPIVS veritatem huius effati in binis comperit pusillus, *lib. I, obs. 8.* narrans: ulcera in capite ab epilepsia eosdem liberasse, illisque occulis, repetuisse iterum priorem morbum, ut necessum fuerit hiatus referare. ARETAEVUS quoque *lib. II, de diut. cur. cap. 4.* hunc in finem commendat unctionem, cui assurgit RONDELETIVS *meth. curand. morb. cap. 36.* ubi cauterium actuale in parte posteriori capitis suadet, & addit, est præstantissimum remedium. MONTANVS *conf. 50.* refert: senem LII. annorum folis cauterius in brachio ab epilepsia eff.

esse liberatum. Et CRATO epist. 118. ap Scholz. cauteria optima aduersus epilepsiam esse prophylactica, conceptis scribit verbis. Idem vero præstans effectus a fonticulis &c setaceis exspectandus. Digna memoratu hanc in rem est observatio quam consignavit MECKREN de juvene, qui horrendis convolutionibus epilepticis misere affectus, frustra sumvit omnia antepileptica, ac demum invito cum cauterio actuali litorae coronali fonticulo, ab insultu tam trucis mali immunis factus. Epilepsiam quotidie accedentem per setaceum abactam vidit HILDANVS Cent. I. obs. 41. Hinc magnifica passim in Medicorum commentariis de hoc præsidio encomia, e quibus nominasse sufficit FONTANONVM lib. I. de morb. intern. curat. cap. 15. MARCELLVM DONATVM bift. mirab. lib. II. cap. 4. SEVERINVM pyrot. chirurg. lib. II. P. I. cap. 6. RIVERIVM Cent. II. obs. 93. SYLVATICVM Cent. I. cons. 42. 43. 45. 48. WEPFERVM obs. 108. 117. 131. 125. 135.

§. VI.

Accedunt aliæ quæ caput infestant morbosæ passiones, quibus idem hoc præsidium egregie accommodum per experientiam compertum. Nimirum fonticulos in melancholia, mania, catarhis, paralysi, cephalalgia aliisque prodesse fidem faciunt RONDELETIVS meth. curand. morb. HORSTIVS lib. II. obs. 19. GROSSIVS de morb. cap. VIGO lib. IX. c. 15. MERCVRIALIS lib. I. cap. 27. CRATO conf. 80. COELIVS AVRELIANVS lib. III. c. 1. Potissimum in apoplexia utiles deprædicat NTMANN de apopl. cap. 46. nec non FAVENTINVS in med. empir. De catarhis capitatis hoc pacto resiccati luculenta sunt SOLENANDRI verba conf. XI. sect. I. vix credi pot. s₂, inquietis, quam eximium in desillationibus sit remedium fonsiculus, ratio hoc ipsum docet, & frequens experientia facile comprobatur. Multus quoque est in commendando hoc auxilio WEPFERVS, quippe

qui istud *in observatt.* suadet in obtusione capitis, hemiplegia, vertigine, aurium tinnitus, auditus difficultate, narium foetore, memoriae abolitione eiusque defecctio, ozæna, genæ ulceræ. Idem paſſim facit SYLVATICVS, ut conf. 38. Cent. I. in vertigine, 29. in gravitate capitis, conf. 46 & 74. in melancholia, conf. 100. in catarrhis, Cent. IV. conf. 23. in herpete menti, conf. 83. in aurium tinnitus, in locutione læſa conf. 28. vitiis gingivarum, conf. 27. tuberculo in naſo conf. 26. ulcere cancroſo narium, conf. 25. narium angustia, conf. 24. ſibilo & gravi auditu, conf. 21. gravi auditu, conf. 17. Quo etiam referenda obſervatio de ſalubri effectu fonticuli in polypo narium, inserta M. N. C. Dec. I. An. IX. & X. pag. 28.

§. VII.

A capite descendimus ad pectus, inquisituri, quid de huius chirurgicæ medendi rationis uſu in ipsius affectibus, per experientiam conſtet. De hoc luculenta ſunt Sculptori tab. 43. armam. chirurg. verba: fonticulos in thoracis, cordis & pulmonum affectibus magnum & mirandum præſtare auxilium. WILLISIVS allegatus in Praxi Barbett. pag. m. 121. ad pectoris. inquit, morbos fontanellæ inter homoplatas, item in brachio, aut crure, ad humores verbus pulmonem affluentes, evacuandos, aut anticipandos, etiam propter eosdem illuc depſicos avocandos, conduceat. Inprimis ad phthisin laudantur foncū. li. a Chrift. BENED. thair. tabid. pag. 29. Et HILDANVS ep. 49 fonticulorum, ait, beneficio, phthisicos & semiphthisicos, qui ſanguinem ſimul & pus expuebant, sanatos fuiss, his meis oculis vi. Idem de fetaceis affirmat Cent. I. obf. 41. Quin Cent. III. obf. 38 exemplum affert matronæ quæ non ſolum materiam purulentam, ſed etiam ſanguinem expuit & in hecticam cum totius corporis extenuatione & virium proſtratione incidit, fetaceo tamen cum omnium admiratione sanitati perfecte reddita;

nec

nec non epist. 66. antistitem a catarrhis pulmonum tabem inducentibus setaceo liberatum esse, prodidit. A QVAPENDENS etiam l. c. p. 15. graphice scribit: *ego libere & ex animo testor, me in l'raxi vidisse empyematicum, quotidie pituitae catinum extussientem, per fonticulum sanitati fuisse redditum.* De difficultate autem spirandi CAPIVACCIVS. conf. 97. ap. Scholz. tradit: quotidiana exploratura esse experientia, anhelitus difficultate vexatos, fonticulo in brachio incredibilem percipere utilitatem. Hinc saepe admodum in consiliis suis adversus pectoris morbos hoc remedium eximie suadet SYLVATICVS, ut conf. 56 adversus palpitationem cordis & spirandi difficultatem, conf. 51. tussim & asthma, conf. 46. ad tussim, raucedinem & difficultatem spirandi, conf. 39. 40. 42. 43. ad phthisin, nec non conf. 36. contra tussim & sputum cruentum cum febre.

§. VIII.

Ad morbos qui in abdomen sedem obtinent plurimos, fonticulos utiles esse perhibet SYLVATICVS, & eosdem Cent. II. conf. 74. & 75. commendat ad dolores ventris, conf. 92. in diarrhaea & dysenteria, Cent. III. conf. 3. 4. 8. in dolore colico, conf. 29. in cachexia, conf. 65. 67. 68. 69. in dolore renum, vitiis vesicæ & mictus, conf. 92. 96. in nephritide & colica, cent. IV. conf. 1. 2. in pollutione nocturna, conf. 7. 9. 14. in affectibus hystericis, conf. 19. 20. 28. 29. in fluore albo conf. 40. in sterilitate. Maxime omnium vero dignum est quod totum transcribatur SCVLTETI l. c. tab. 43. testimonium de egregia fonticulorum in affectibus uteri utilitate, ita habens: *fonticulus in femore in hystericis affectionibus efficacissimus, revellendo & derivando, curavi e mulieres quæ ob suppressionem mensium uteri furores aliaque symptomata sunt passæ; cui addenda merito observatio in M. N. C. Dec. I An. IX. & X pag. 46. de eximio ad fluxum menstruum ex fonticulis præsidio.* Neque minus egregie de fonticulorum in

morbis infimi ventris usu scribit W ILLISIVS l. c. fontanelae, inquiens, *in dorso, ad nephritim & colicam omnem morbi formitem anticipando eamque dum ad nidos suos tendit intercipiendo, egregie conferunt.*

§. IX.

Supersunt vitia quæ artus externumque corporis ambitum obsident. Ex his primum commemorandi varii generis dolores. In coxendicis quidem afflictione dolente pri-dem ustiones commendavit HIPPocrates sedl. VI. aph. 60. & vix in ulla passione tam magnifice de fonticulorum & setaceorum usu, quam in hac, sentiunt scriptores medici. In hac ipsa enim magnopere prodesse fonticulos testatur SCHVLZIVS M. N. C. Dec. I. Ann: III. obs. 156. MERCATVS lib. I. de rect. præf. art. med. 115. cap. 16. FORESTVS lib. XXIX. obs. 22. Instar omnium vero esse poterit SCVLTETI l. c. testimonium, afferentis: se ipsum sibi contra hoc doloris genus summo & felicissimo cum successu fonticulum parasse inter principia musculi gastrocnemii. Quare, pergit, si in futurum in tali cruciatu ischiadicis diuturno, tam interna, quam externa remedia sine successu usurpata fuerint, meo consilio & bona spe salutis, ad hanc Chirurgiam tanquam sacram anchoram configuant. Idem sentit W ILLISIVS l. c. scribens: per fontanellam in inguine lumbaginem immanem, quibusvis aliis remedii obstinatam, inque alio affectionem ischiadicam inveteratam, feliciter olim sanavi. Neque minus HILDANVS Cent. IV. obs. 75. dolorem ischiadicum, cum pruritu totius corporis, fonticulorum solummodo usi discussum esse, auctor est. Et idem remedii genus in eodem morbo dilaudat SYLVATICVS Cons. 88. & 90. Setaceo quoque per suras traiesto ischiadicam passionem discessisse RIVERIVS cent. II. obs. 100. pluribus fidem facit.

§. X.

§. X.

Podagræ apprime conducere fonticulos **SCHOLZIVS**
epift. X. SCHORERVS tr. german. von Fontanellen, nec non
CAPIVACCIVS *scđ. I. lib. V.* pluribus confirmant: & adver-
sus dolores artuum & arthritidem idem ex usu esse non sine
tatione **SYLVATICVS** *Cent. III. cons. 99. 100. & 83.* censet.
Quin in *M. N. C. Dec. II. An. VII. obf. 189.* narratur exemplum
rustici, qui diu arthritide affictus, ulcere, quod vocant einen
Schwär, in tibia demum affectus est, quod ad consolidatio-
nem perducere noltuit, sed fonticulum ex eo paravit, tam
salubri effectu, ut ab omni dolorum recursu immunis post-
hac manserit. Pruritum manuum fonticulo in brachio su-
stulit **GLANDORPIVS**, & pruritum scroti fonticulo in fe-
more **WEDELIVS**, allegante **FASCHIO** in *dissert. de fonti-
culis*. Denique etiam ad ulcerum antiquorum & malimo-
ris consolidationem magnum quoque in fonticulis repositum
præsidium, ut etiam **SCVLTETVS** *I. c.* plures quæ ulcera in
tibiis habuerunt dyse ulotica iisdem se curasse tradat; &
AQVAPENDENS *I. c. p. 382.* senem, tibiam mirum tumidam
cum ulcere gestantem, fonticulo supra genu in coxa sana-
tum esse, perhibeat. Quibus omnino penitus respondent,
quæ **SYLVATICVS** de fonticulis in ulcere ani, tumore scro-
ti, doloribus & ulceribus ex inquinamento venereo, inu-
rendis, idemtidem in *consiliis suis* præcipit, & quæ in *M.*
N. C. Dec I. Ann. III. pag. 396. relata leguntur.

§. XI.

Tam spectata igitur in variis chronicis passionibus
fonticulorum & setaceorum est ipsa experientia teste virtus.
Ex acutis autem potissimum in peste eorundem usus in com-
mentariis medicis ut salubris deprædicatur. Testatur id
proprio exemplo **SCIPIO MERCYRALIS**, nec non **HIL-
BANVS** *Cent. VI. obf. 92.* memorans: se peste Bernensi cum

uxore quidem peste correptum, sed non adeo periculose laborasse, & causam reiicit in fonticulos, quos in cruribus gestarint, eo quod fonticuli & setacea sint praesta tissimum præservativum tempore pestis, ut in bina peste obsrvatur, ita ut ex viginti sex, vix tres obierint, licet perpetuo circa ægrotantes versati sint. CLAVDINVS quoque emp. f. 197. neminem Venetiis peste correptum fuisse refert, qui fonticulum in pede gestarit. Hinc WILLISIVS de febrib. cap. 13. fonticulos, ait, *a cauteriis excitatos, adeo omnium pene suffragiti præservationis gratia contra pestem usurpantur ut eorum usus vulgo frequentissimus existat.* Eadem est sententia FINCKENAV in diff. de fonticulorum usu tempore pestis, qui eosdem præsistorie & curatorie commendat. Præsistorie maxime, quod semper aliquid de materia corrupta evehatur & sic quo minus omnimode a peste corripatur corpus præcaveatur, idque se crebrius observasse in iis, qui infecti tumores nacti, fonticulo excitato evaserunt. Curatorie autem adhibendos esse tum, quando a contagio pestifero aliquid ad glandulas delatum, & periculum, ne relabatur ad interiora, ideoque ipsi tumoris inutere suadet fonticulum. Et quæ plura eandem in rem memoriar prodita sunt a KIRCHERO de peste, FONSECA cons. 49. DIEMER-BROECK de pest. lib. IV. hist. 110. FORESTO lib. VI. obs. 15. QUERCETANO lib. II. cap. 2. nec non DOLAEQ encycloped. pag. 426.

§. XII.

Adduximus hactenus ex probatissimis tam prisci, quam recentioris ævi auctoribus luculentas observationes, quæ insignem usum & setaceorum & fonticulorum in multis & valentibus morbis, iisque maxime chronicis, mitigandis, æque ac sanandis, abunde confirmant. Iam sequitur ut hanc experientiam, ne fallax, sed fida & certa sit, solidis & firmis rationibus suffulciamus, & modum quo salubris hic suc-

succedit effectus dilucide monstremus, addendo demum utiles cautiones in applicatione studiose tenendas. Et primo quod attinet ad operandi rationem, hæc quidem multis obscura adeo visa fuit & imperceptibilis, ut ipsum remedium omnipropterea usi carere putarint. Autumarunt quippe, quum sanguis & fluida perenni motu per vasculosam corporis compagem circumagantur; omnem illum qui ex fauciatis, sive per vulnera, sive per ulcera, vasculis effluit humorem, a sanguine mediante cordis & arteriarum impulsu, ad partes advecto, materiam & ortum nancisci, ita, ut qualis sanguinis & seri sit conditio ac status, etiam sit illius succi, qui ex ruptis & discisis fibris & canaliculis effluit. Iam autem supposito, quod corrupta & impura materia insit sanguini & corporis succis, quæ morbi materiam præbeat, adeo tamen exiguum esse id, quod quotidie exstillat, & præterea adhuc noxium cum utili & nutritio intime sic esse mixtum, ut parum utilitatis ab hac excretione possit sperari. Et quod maximum, longe commodius & efficacius serum morbificum, vel quantitate, vel intemperie perversa peccans, per alia loca & emunctoria, uti per cutis cribrum, per renum tubulos, vel etiam per alvum, intestinales glandulas & excretorios hepatis poros, quin ipsas etiam salivales glandulas posse secerni & excerni, quam per eiusmodi præter naturam plane novas & largiori evacuationi minus aptas vias.

§. XIII.

Alii Philosophiæ Cartesianæ & corpuscularis præceptis imbuti, uti Mvys in præ. ration. modum quo fonticuli & setacea effectus suos edunt mechanica prorsus ratione ita concipiendum esse contendunt, quod serum in omnibus omnino ulceribus, adeoque etiam fonticulis, stagnans foetidum primum fiat & corrumpatur, corruptum postea efformet poros & canaliculos in carnosa & vasculosa sub-

C

stan-

stantia sibi similes , id est, qui figura sua respondeant figuræ particularum impuri & corrupti in sanguine humoris, ut adeo in tale ulcus nihil aliud emittatur & admittatur a humoribus eo circulationis lege allatis, quam quod corruptum & a porulis suscipi potest. Afferunt etiam in confirmationem experimentum, de filtro ex charta emporetica confecto, quod intinctum prius in aquam , & infusa postea mixta oleo aqua, tantum aquam, oleo autem immersum, indito eodem mixto liquore , nonnisi oleum transmittat. At vero quam infirmis in genere argumentis nitatur , & quam longe a veritate discedat, illa a pororum figura desumpta secretionum ratio, nemo non novit; de experimenti autem allati veritate merito dubitandum, quum non modo alii istud contrario plane successu, teste c. W E D E L I O , ceperint, sed & nosmetipsi oleum & aquam simul per chartam emporeticam transudasse viderimus , licet prius vel oleo, vel aqua, eandem imbuerimus.

§. XIV.

Quamvis vero non negandum, sufficere in statu naturali & ad tuendam valetudinem fabrefacta in corpore humano emanatoria impuris & superfluis humoribus educendis, atque etiam excretiones per alvum, per cribrum, cutis, renes, glandulosas intestinorum & narium tunicas, ipsasque sal vales glandulas ad curandos morbos multum facere & sanguinem egregie depurare; nihilo tamen eccius extraordinariae per ulceræ portibus inducta evacuationes egregii sunt usus, effectu nempe non tantum evacuatio universalis, verum etiam particulari derivatorio. Etenim quamvis exiguum sit humoris seroli, quod effluit; tamen quia fluxus est continuus & quotidianus, potest utique quippiam conferre ad imminuendam copiam feri præternaturalem. Derivatorius autem & particularis effectus longe eminentior est. Scilicet causæ materiales, quæ motus præternaturales & turbulen-

308

tos morbosos in corpore creant, sunt potissimum stases & stagnationes sanguinis, seri, vel etiam aliis humoris in nervosis & exquisite sentientibus locis, quæ vel acrimonia hostili rodente vellicant, vel copia sua prehendunt & compriment, & sic dolores, spasmos, inflammatione, tumores & alia gravia symptomata cident. Et strictius quidem loquendo, consistunt hæ stases & stagnationes, præsertim seri, in vasculis minutissimis capillaribus, quæ ex finibus arteriolarum ad latera emergunt, & succent vel nutritium, vel excrementum vehunt, in quæ si delabitur, vel etiam impetuose urgetur humor in eum peratus nimis & præter naturam crassior, obhaerescit ibi, nonnunquam pertrumpit partem cui insidet moleste afficit, ut variae consequantur morbosæ passiones, pro diversitate loci qui patitur discrepantes.

§. XV.

Hinc si contigerit, ut pericranium totum a subsistente humore patiatur, atrox oritur capitis dolor, si dimid. a tantum huius pars. hemicerchia, si circumscripta regio, clavus. Vbi stagnans acris liquor in membranis quæ investiunt cerebrum sedem figit, epileptici, ubi in membra ani spinalis & medullæ convulsivi præsto sunt artuum motus. Quum principiis nervorum opticorum tenax incumbit gutta sit serena, sp. nalis autem medullæ, paralysis & hemiplexia. Quando humor sanguineus in tunicis quæ oculi bulbum cingunt incarceratur, ophthalmiae, & quando serofus acris ibidem copiosius colligitur, vasa distendit tandemque extillat, lippitudines, seri salti, acris saepius corrosivæ, cum dolore & ardore defluxiones ac visu inminuto emergunt. Humores serosi, vel lymphatici, membranis muscularum nerveis firmiter inhærentes, dolores pressorios spasticos molestissimos, præsertim nocturno tempore, cum notabili frigoris sensu iunctos excludunt, qui rheumatismi nomine veniunt, & plurima loca, solenniter vero homoplatas & humeros, infestant, & in affectis sic partibus a

C 2

lym-

lympa aeris tanta est constrictio, ut ex iisdem ne gutta sudoris profluat, licet totum reliquum corpus sudore diffluat, si vero scarificantur, plus seri, quam sanguinis extrahitur. Idem vitiosum & acre viscidum serum intra membranas & ligamenta nervea & glandulosa articulorum subsistens, pro locorum diversitate eorumque diversa denominatione, modo ischiadicos, modo podagricos, modo gonoragicos, nec non arthriticos parit dolores; in cutis autem tubulis & glandulis firmius detinent, impetigines, herpes, lichenes, pustulas ulcerosas, in facie guttam rosaceam & varos gignit.

§. XVI.

Hisce omnibus morbis, quia partim a firmius inharente, partim & extravasato humore fiunt, ulcera arte facta, quæ fonticuli audiunt, omnino succurrere possunt, eo quod facto iusmodi in parte vicina emissario, corrupto & incarcерato quasi humor, exitus paratur & facile præbetur. Nam in genere in excretionis, quæ per vesicatoria & fonticulos fit negotio id merito tenendum esse arbitramur: non omnem secretionem & humoris excretionem intra vasa & tubulos fieri mediante motu progressivo circulatorio, sed per porosam etiam partium solidarum substantiam, dura vasorum alveis elapsus humor, calore & motu tonico extraordinario fibrarum ab una parte ad alteram dimovetur tandemque emovetur. Testatum hoc faciunt varia quæ subinde obveniunt phænomena. Quando pedibus hydropicorum cedentiaosis levis plaga infertur, brevi tempore magna quantitas seri extravasati, qua data porta extillat, quod neutquam per arteriarum pulsū eiicitur, sed ipsa sua gravitate & motu fibrarum interno adiutum, elabitur atque prodit. Materia purulenta in abscessibus & ulceribus partium externalium collecta, solo terrore aut refrigeratione intensiori, vel medicamento dolorem excitante reprimitur

tur & transfertur s^epe ad loca vicina & interna non sine periculo. Novimus glandularum colli & parotidum insigⁿes in infantibus & adolescentibus tumores medicamentis reprimientibus abactos, ubi humor deleterius e sede pulsus in pectus delapsus asthma convulsivum, immo ipsam phthisin & ulcus pulmonum insanabile fere excitavit. Et nihil quoque familiarius, quam quod materia ulcerosa in scabie humida, per porosam fibrarum & vasorum texturam repellatur cum pr^asentaneo subsequent^e damno. Quidni etiam humor interius obhaerescens eodem modo per poros ad loca externa meare, foras propelli & excludi poterit? Certe copia seri, quae in hydropticis per forte drasticum alvo excluditur, non adducitur mediante pulsu per arterias ad tunicas intestinorum glandulosas, sed veri est simillimum, quod per poros vasorum foras intro spectantes & per porosam partium fibrosarum substantiam ad intestina transcat. Atque adeo clarissime patet: fonticulos non modo evacuationem humoris pr^aebere universalem, id est, qui ex tota sanguinis & humorum massa procedit, sed pr^acipue localem, sive partialem & derivatorium, dum ex imis ad extemas ad se quasi alliciunt, trahunt vel etiam revellunt.

§. XVII.

Nunc facilius explicanda venit causa, cur consolatio fonticulorum magno s^epe coniuncta sit cum periculo, ut non modo morbi priores sublati repeatant & recrudescent, sed non raro etiam graviores, immo funesti affectus, in aliis & remotis locis suboriantur. Vberius hanc noxam testatam faciunt peritiores medentum ex antiquis & recentioribus. RATO longaevis ille, felix & prudens Medicus, in consiliis & epistolis, quas collegit SCHOLZIVS epist. 174. item cons. 221. scribit: multi exemplis eruditur, quam graves subito affectus, immo mors ipsa, fonticulos, prae-

fertim in pede clausos, consequantur. Ex Arabibus RHA-
 ses lib. de aff. iund. tit. XVI. gravissima saepe vidit sympto-
 mata fonticulo cocunte. LAELIUS a FONTE consil. pag.
 56. asthma, MERCVRIALIS tom. IV. pag. 175. podagram,
 HORSTIVS lib. IV. Part. II obs. 15. spirandi difficultatem
 cum anasarca, coalescente fonticulo, annotarunt. Quum-
 que ab antiquis pedum ulceribus ad consolidationem per-
 ductis pulmones labe & ulcere affectos, multoties a Pra-
 Eticis observatum sit; nullum utique dubium, a fonticulis
 diu cum fructu gestatis & intempestive clausis, praesertim
 in impuris corporibus, quin idem possit contingere. Cau-
 sa huius effectus non alia vide ur subesse, quam quod ab ul-
 ceribus, sive arte, sive sponte factis, ob effluxum qui simul
 contingit humidii nutritii, debilis & imbecillis omnino pars
 cui insident reddatur, ideoque deficiente debito ad propul-
 sionem toni robore, maior fiat ibi affluxus & stagnatio hu-
 moris, qui tam copia, quam qualitate delinquens, si exitum
 fortitur, pro sanitate est, ubi vero ipsius excretio viis &
 orificiis ductuum clausis & constrictis impeditur, remanet ob
 partium vicinarum infirmitatem, copiosior humoris serosi af-
 fluxus & stagnatio, maiorque ex longiori quiete accedit
 corruptio, unde non mirum est, in laborante parte, aut
 pristinum vitium resurgere, aut si humor inquinatus & ma-
 litiosus, vel vitalibus succis immixtus manens, vel receptus
 iterum per poros in vasa, mediante sanguinis circulo ad
 alia loca defertur, pessimas passim propullulare ægritudines.
 Nos certe saepius observavimus, post morbillos vel vario-
 las in pueris oculorum acres defluxiones, quæ nonnisi ap-
 posito in nucha setaceo cessarunt, sublato autem postea se-
 taceo, protinus de novo oculos infestarunt.

§. XVIII.

§. XVIII.

Iam etiam facile ratio patescit, quare à tinea capitis, vel scabie humida in pueris perperam curata, insultus epileptici, vel asthmata convulsiva subnascantur, quæ postea appositi vel vesicatoriis, vel fonticulis in brachiis, aut pedibus, conquiscentur. Novimus exempla, ubi a materia arthritica & podagrifica ad internas partes relapsa, vel etiam non sufficienti vigore expulsa, spastmodicæ constrictiones diaphragmatis, ventriculi & intestinorum non levem formidinem induentes, omnibus aliis frustra datis internis, appositis in brachio vel pedibus fonticulis, sublati fuerunt. Neque certe experientia suffragio destituitur, phthisis posse eodem pacto præcaveri, si nempe ortum trahit ex acri & impuro humore a partibus superioribus capitis, faucibus, vel tumoribus glandularum internis & externis descendente ad pectus, & huic ulcere in costis, vel in scapulis excavato, via ad exitum paratur. Atque adeo luculenter utique innescit: magni in arte medendi momenti esse medicationem, quæ ad seri impuri, non tantum evacuacionem, verum etiam derivationem, immo revulsionem directa, uti quidem iam in sanguinis missione aliquaque excretionibus pridem est nobilitata.

§. XIX.

Altioris indaginis quæstio: qua ratione cauteria, fonticuli & setacea, partibus capitis externis applicata, apoplexiā serosam, hemiplexiam, paralysin, guttam serenam, cephalalgiam inveteratam, vertiginem aliosq; graves admodum cerebri morbos, qui ab humore seroso firmius insidente imis cerebri partibus, originem trahunt, abigere & partes internas liberare queant? Iam vero experientia uberius confirmat, quod in his morbis setacea nuchæ iniecta, vel cauteria applicata loco ubi suturæ coronalis & sagittalis con-

cur-

cursus est, egregiam tulerint opem, potissimumque maiores nostri mirifice hunc in finem commendarunt fonticulum capiti ubi suturæ committuntur inductum, ut quidem patet ex AQUAPEND. pag. 12. 13. SOLINGEN oper. Chirurg. P. I. c. l. FIENO de cauteriis cap. 22. SEVERINO lib. II. pyrot. chirurg. p. 2. Sunt quidem nonnulli ex recentioribus, qui periculorum modum applicandi cauteria tam actualia, quam potentialia, in hoc tam sensili & nervoso loco, ubi in commissura suturæ coronalis & sagittalis duræ matris & pericranii est connexio, censem, eo quod ob dolorem ibi quam facile possit inflammatio suscitari. Verum frustraneus est metus, propter multiplicem iam ab omni ævo innoxium & felicem usum, & potius admodum credibile, quod dolor maior, quem producit chirurgica hæc operatio, multum ad feliciorem operationem conferat, eo quod recensiti capitis morbi a lympha glutinosa, intra anfractus & membranas cerebri detenta & a corpore spirantium & motuum maxima ex parte oriuntur. Profundit itaque hoc in loco appositi, non tam ad evacuandum humorem noxiū intus latenter, quam potius ad tonum excitandum & motum aliter determinandum, ut quod subsistit e loco suo dimoveatur, non secus ac ipsa vesicatoria, præsertim ea quæ cantharides habent, non tantum excernendo, verum etiam sistema nervorum afficiendo motusque excitando, conducunt.

§. XX.

Singularis adhuc fonticulorum in arte medica usus est, quod conditionem atque temperiem & fluidarum & ex parte etiam solidarum partium extraordinariam prodant ac detegant. Nimirum firma & quotidiana constat experientia, quod qui fonticulos gerunt a paullo diuturniori usu infalubrium & valde intemperatorum alimentorum v.g. acidorum, salforum, acrion, calidiorum, ut piperis, allii, moleculas

Itas quasdam affectiones, punctiones, dolores, rubores, tumores & alia insolita accidentia ibi percipient. Crebrius quoque observatur, quod a graviori animi affectu, praesertim ira, tristitia ac terrore, item ab insigni & præternaturali temporum & tempestatum constitutione, extraordinaria quædam sensatio in locis, ubi fonticuli appositi, ipsiusque fonticuli insolitus aspectus, adint. Præterea quando in morbis intensior spastica contractio, vel stomachum & intestina, vel diaphragma petit, ut in hysteris & hypochondriacis, item in colica convulsiva, asthmate convulsivo, tunc statim etiam compatiuntur fonticuli, ut vel exsiccantur & claudantur, vel dolorifice cum rubore afficiantur. Quinimmo præternaturalis siccitas, livor & pallor fonticulorum arguere aliquid damni in œconomia animali solet, & nihil familiarius est, quam quod ante mortem fluxus humoris per hæc ulcera plane cesseret. Ex quibus quidem omnibus merito eliciendum est, tum ingentem partium fluidarum & solidarum in corpore humano dari conspirationem & una parte affecta alteram statim etiam pati, tum quod non secus, quam ex naturalium excretionum, quæ fiunt per vesicam, alvum & cutem, ita etiam ex ulcerum & excerniculorum horum insueta & extraordinaria conditione, sanitatis & morborum indicia, fluidarum & solidarum partium natura, indeles atque constitutio a prudenti Medico perspici possit.

§. XXI.

Neque etiam omittendus aut floccipendendus ille fonticulorum secundarius quasi usus, quem in corpore cui iam indueti in sanitatis tutelam præstant, dum præbent emunctorium, in quod velut incile confluit, si forsan corpus noxia & morbum minitans subiit materia, ibidemque reiicitur. Et certe plura sunt quæ hoc confirmant obvia subinde phænomena. Crebrioris quippe observationis est, loca illa, ubi fonticuli existunt, praesertim in pedibus, ex

D faci-

facili tentari erysipelate, sive animi affectus, sive alii errores commissi causam præbuerint. Attentior quoque docet experientia, suscepto intus morborum epidemicorum contagiosorum ipsiusque pestilentia miasmate, protinus fonticuli excerniculum inde mutationem experiri, & frequentissime inflammatorii quippiam cum dolore & rubore in ipsius confiniis comparere. Uculeto usque indicio, autocratæ naturæ tribendum esse, ut ad partem hanc debilem & languidam humor qui in via est & morbum minatur, ad promptam secretiōnem & felicem excretionem transmittatur.

§. XXI.

Restat demum, ut exposita quoque fonticulorum operandi ratione, de recto eisdem usurpandi & perite trāctandi modo utiles pariter ac necessarias practicas regulas subnectamus.

I. Quando morbi capit̄is a congestionē & impetu sanguinis & humorum ad superiora oboriuntur, frustaneus, vel plane noxius est fonticulorum usus, sed præstat tunc potius sanguinis, quam feri excrementiū, evacuationi invigilare.

II. Vbi dolores capitis acuti, item motus convulsivi & epileptici, tenera & sensibilia corpora diu detinent, minus ruto in locis sensibilioribus & nervosis, ut in nucha, vel ponere aures, vel in futuris admoventur cauteria & fonticuli, sed si forsitan indicatio est, melius brachiis vel pedibus impounduntur.

III. Non tam facile, nec statim, ad eiusmodi molesta & diu vexantia remediorum genera descendendum est, si res commodiori ratione expediri & causa morbi per præparantia, corrigentia & per naturales excretiones tolli potest, sed tunc demum, quando haec frustra adhibita, & morbus diutius partem afficit ac detinet, verbo: si læsio magis particularis, quam universalis est.

IV. Neque etiam in morbis externis his solum fidendum, sed præmissenda, immo adiungenda, interna & alia externa, quæ mor-

mor-

morbo expugnando serviant præsidia, quibus etiam adhuc paullo longius insistendum, in primis quando spes sanitatis per eadem recuperandæ affulget.

V. In senibus, qui solenniter dyscrasias falsa scorbutica laborant; item in ipsis scorbuticis, ad præcavenda, vel minuenda symptomata, non inutiliter parantur eiusmodi per artem ulcera, tutius tamen id fit in brachiis, quia facilius ibi inflammationes & ulcera tolli possunt; sed si semel inducta, sedulo providendum, ne forsitan coeant aut consolidentur, eo quod quo magis corpus est impuris succis referunt, eo maius periculum imminet, quando exitu præcluduntur & emissarium aboletur.

VI. Magnam cautionem consolidatio & exsiccatio horum ulcerum desiderat, ne inde gravius damnum emergat. Proinde non facile admittenda in senibus & adultis, sed potius in adolescentia, iuvenili ætate, & corporibus quæ adhuc crescunt, sique prius probe constiterit, omne vitium & omnem intemperiem massæ sanguinis esse sublatam. Hinc antequam id fiat & postquam factum, temperantibus & evacuantibus commodis utendum, & pars ubi constitutus fonticulus subinde spiritu vini camphorato inungendus, vel vino calido diligenter fovendus.

VII. In cacheoticis & hydropticis corporibus non sine periculo fonticulus excitatur, quia facilis est in sphacelum transitus. Perite enim monet AQUAPENDENS operat.chirurg.P.I. pag.222. maximum, inquiens, imminet periculum dum fiunt, ne sphacelus partem calore depauperatam apprehendat & occupet, qui brevi hominem interimat.

VIII. Quando exulceratio, ut interdum fit in senibus & scorbuticis, circa partem in qua gestatur nascitur, vel etiam dolor & tumor urget, tunc epithema, quod aquam calcis vivæ, aquam florū sambuci, l' eau d' arquebusade, saccharum saturni & camphoram habet, cum fructu applicandum, quo in eiusmodi calibus nihil præstantius, nihil utilius.

IX. Incidit interdum, fonticulum nihil amplius humoris fundere, sed siccescere & consolidationem subire, tum utile globulum ex cera viridi indere, vel si hoc fluxus non repetit, eidem pauxillum emplasti vesicatorii admiscere.

X. Quando caro spongiosa in cavo fonticuli succrescit, pulvis ex alumine usco & mercurio precipitato rubro compositus & inspersus instar omnium est.

XI. Locus cui tutissime & quam optime inducuntur fonticuli est inter spatum duorum muscularum, vitando eorum tendines & nervos, ubi nostro tempore incisione cum lancetta, reiectis omnibus catarriis, tam actualibus, quam potentialibus, commode & cum minori dolore excitari solent.

s. XXIII.

Hæc itaque sunt, quæ de præstantissimo fonticulorum usu medico edisserere placuit, ex quibus luculenter satis apparere arbitramur, quosdam inter celeberrimi nominis viros, ut HELMONTIVM, CRAANIVM, BONTEKOB, GEHBMAM, DAELMANNVM, ALBINVM, LIMMERVM, multum errasse, qui vesicatoria & fontanellas e foro medico reicere & pro remediis mortiferis venditare haud veritisunt. Neque minus ex hac nostra rationali disquisitione modi quo operantur ulcera hæc arte facta, irrationales illi mechanismi medici, quo optime nostro tempore res medicæ ad rationes revocantur, osores intelligent, sterile & ignorantiam prodens molimen esse, in explicando salutari fluentium, & detimento coeuntium fonticulorum effectu, ad internum rationalem & moralem corporis nostri oeconomum configere & loco causarum obscura verba dare, uti quidem nuperius larvatus ille Vrsmus Wahrnund, præiudiciis occœcatus contra præiudicia in therapia medica infeliciter pugnans fecit, quasi possessor oeconomiæ vitalis per fonticulos omnibus sese exoneret purgamentis, quando autem contra vitalem consuetudinem, in vito vitali principio iidem coalescant, exspectandum sit, quid vitaliter eventurum.

F I N I S.

